

渝名 101

002701221

36

安福縣志

殘存卷首至卷三

安福縣志序

國朝雍正八年分澧州
九永二衛之地以建
縣前有舊所名曰安
福因即所名以名縣
蓋謂土司向化撤去

析禦欲斯邑安享太
平福也嘉慶丁丑余
司澧牧安福屬澧得
按部焉見其山川秀
土地腴洵奧區哉以
故士絃歌農耕鑿咸

晏然於樂國中以涵
濡我
聖化余喜甚抑又思之謂
牧民之官重在教養
茲士秉山川之秀農
享土地之饒

國家特建此邑以安民
福民天地若結此邑
以安民福民則教養
固自易易然使蒞茲
土者無以善厥養善
厥教即無以福吾民

安吾民則福地也而
瘠土不若矣夫教養
之道固詳諸

令甲載諸詩書要莫切
於邑乘蓋風土民物
班班可考按邑志以

施政事其為教則易
從其為養則易給安
民福民固最親而最
便耳誠如是也則縣
志為居官要書廼安
福自建縣以來獨缺

而未纂守土者憑何
以立政余即囑邑令
脩輯之至戊寅冬大
吏扎調縣志以續脩
省志州志邑紳遂體
吾意採訪成帙呈省

呈州以入省志州志
復請諸邑令延司鐸
松園潘君討論而脩
飾之稿始脫松園却
篆去適昌浦黃公蘊
山司鐸是邑余素知

其學問優長曾脩昌
浦州志精潔詳明膾
炙人口復囑其重加
釐定遂乃確脩成編
至壬午付梓余喜其
藎而賅典而核一展

卷而全邑之風景釐
然在目斯全邑之教
養即確然在握嗣是
宰斯土者得所憑藉
以安民福民自足以
副天地融結之祥與

朝廷命名之典我知安
則舉安福斯永福茲
邑士庶直衍慶於億
萬斯年則此志固不
重哉

道光二年歲次壬午

秋七月吉旦

賜進士出身


勅授奉政大夫湖南直隸

澧州知州加七級紀

錄五次又卓異加一

級陞任岳州府知府

貴定安佩蓮譔



安福縣志

序

七

卷之首

安福縣志序

庚辰秋余恭膺

簡命來治斯邑甫入境見山水淑
清土田平廣墻濶而堰深心
竊喜焉及厯村墟過鎮店男
婦勤勞機杼之聲流戶外所
到多學舍童冠伊唔厯厯可

聽幾耜唐魏遺風鄒魯雅化
適於斯遇之然猶以為村鎮
如斯城市或否抵南關攘攘
熙熙貿易不少挹布者尤多
窺其情形俱無詐虞意入城
四顧閭閻靜肅異常比戶之
紡織亦自如對宇多詩書門

第毫無靡麗紛華諸陋習猗
歟休哉何倍之醇而風之古
也吾人出身加民奚必膺大
邑泣通都即此安靜之區永
為受福之地日與我父老子
弟依依相親以共樂於光天
化日中而繪

太平景象豈非所以求治者得
哉一下車急欲備覽輿圖詳
求利弊即召書吏而檢邑志
詎吏以無志對余爽然若失
者久之繼知前任何明府
已率合邑紳士丕定章程公
舉採訪緣秉筆之人為有待

嗣 朱明府接任後適逢前
廣東鶴山令 松田潘明府
改權邑鐸捧檄而來 州
尊安玉青先生夙知品學諄
囑朱明府訂關敦請專主纂
脩而志局啓松田沅陵知名
士也已酉選貢

大廷入京

朝考名重都門余耳識之及
大挑來楚松田適粵遊深以未及
謀面為歎今予來斯則居停
志局閱數月矣一晤面歡若
生平閒出志稿觀之見其才
識宏博凡一邑之精粗鉅細

靡不條分縷晰考核詳明惜未及梓而公以移任去規模雖就猶為未成之書值 昌浦黃蘊山先生甫脩道州志完來膺是邑司鐸 玉青先生稔其學問淵深而又熟悉志事知此書未梓囑踵成

之先生用是復加詳閱精益求精於原稿之未暇斟酌未經參考者一一必為釐正間發辯論以証古今之訛尤出人意表即質之松田先生當無不首肯者而余尤喜兩公之前後手定道合志同意見


雖間有參差要實相輔而不
相背則此書之足以信今而
傳後兩先生之相得益彰邑
之幸非即余之所厚幸歟夫
邑宰親民之官也邑志民情
所由周知而因以得夫親之
之要者也故必有志而後閭

閭之情狀一披覽如得諸目
覩斯興利除弊之事可次第
而施今書成眾紳士索序余
樂為之以快余急於覽志之
初心而抒余志在親民之夙
抱云爾

道光三年歲次癸未仲夏月

上浣之吉

勅授文林郎知直隸澧州安福縣
事津門田敏耕曉園氏撰



原序

志以紀事凡夫徵文考獻必求真實無遺用以去疑而傳信我

朝

聖聖相承車書一統無論省郡州邑各皆有志以備
輶軒之採擇焉福邑建自雍正八年迄今歷九十載矣而邑志缺如夫福雖偏隅山則翠聳水則藍拖峨白則有臺看花則有嶺摹觀音

安福縣志

原序

一

卷之首

之幻跡石顯神奇仰古老之遺風人徵壽考
夕照依依尋楚城而志感秋風颯颯訪漢壘
以興思徒令觀風者撫景徘徊僅於州志中
略觀大概而以莫覩全書為遺憾則邑志之
宜修也急矣顧修志貴於分類而分類必自
疆域始疆域定則耕耘種植而食貨興食貨
興則誦肄絃歌而學校立學校立則典禮之
宜詳職官之必悉選舉分明武備昭著由是

人物代興忠孝節義奕奕熊熊光流後世因以徵風俗之醇美識物產之繁滋焉至於極卹祥異時或有之亦隨載而莫忘諸凡此類皆借文人之筆墨或序或記或引或碑或詩詞歌賦潤色其間而相傳於不朽是疆域為諸類中之一大經而藝文為諸類中之一大結也其餘撫史紀聞辨偽列入雜識而與藝文相表裏仙則軼類而飛昇釋又皈依於別

類流寓則他鄉寄處風土人情更多不類載於外紀其抑出乎其類而令人慨慕遺徽別深繾綣也與若夫考疆域而道路紛歧留心要隘稽食貨而農商作息眷念艱辛學校則斯文當重典禮則記事孔明職官全而效循良之治選舉列而崇科目之尊武備惠愛兵丁人物儀型士女培風育物拯困卹貧嘉祥集而災異消每於觀風考課時定評文藝此

又我

邑侯心之所之自連類而並及者固不事徵
文考獻傳信去疑待邑志之條分而縷析也
永盛學原奔鄙兼之歷仕有年勞勞案牘更
極荒疎庚辰春謬權邑鐸乍謁

州尊安玉青先生即諄諄以邑志是委聞

命之下深虞蚊負備極悚惶然又不敢意存推
諉重負賢刺史蒐羅典故遍洽輿情仰體

安福縣志

原序

三

卷之首

聖天子嘉惠元元

周覽圖籍之至意惟矢勤矢慎秉公襄事以就

正於邑侯田曉園明府並

東西
胡醒園
黃蘊山

兩正齋而學問淵博考據詳明不涉於虛必
求其盡則同學諸友之力居多永盛何與焉

欽取滿州廂白旗官學教習

特授文林郎歷知廣東潮州府大埔縣肇慶府鶴
山縣事改署澧州安福縣訓導潘永盛松田